


KOMMUNIMUT PILERSAARUMMUT TAPILUSSAQ 1C32-1

Arsiffik - Ukaliusaq (USK) qeqqa, Nuuk

Februaari 2018



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliusseq sunaava?

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik Pilersaarusiornermut inatsit naapertorlugu (Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-imeersoq) naapertorlugu kommunalbestyrelse pisussaavoq, kommunimut pilersaarut pillugu pisariaqartutigit malinnaatitsissalluni. Taamatut malinnaatitsisarneq isumagineqartuartaarpoq kommunimut pilersaarummut allannguutissanik imaluunniit ilanngussassanik pisariaqartunik tapiliussassaqaqtillugu.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Tamatuma saniatigut Kommunalbestyrelse sukumiisumik aalajangersagartalimmik kommunimut pilersaarummut tapiliortussaataavoq:

- Nuna tamakkerlugu pilersaarusiornerup kommunillu pilersaarusiornerata piviusunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinginnermi.
- Sanaartukkanik anginerusunik pingaaruteqarnerusunilluunniit ingutserilinginnermi.

Kommunimut pilersaarummut tapiliusseq marlunnik immikkoortortaarpoq, **nassuiaat** aamma **maleruaqqusanut** tunngasut.

- **Nassuiaammi** kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut nassuiarneqarput.
- **Malittarisassartaani** pilersaarutip piviusunngortinnissaanut atatillugu, aalajangersakkat malinneqarnissaat allassimavoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigut nunap assingi ilanngussat attuumassuteqartut, aalajangersagartaaniipput.

Tamanut nalunaarut

Kommunimut pilersaarummut tapiliusseq 1C32-1 inaarutaasumik atuutilersutut tamanut nalunaarutigineqarpoq ulloq 14.03.2018.

Kommuneqarfik Sermersooq
Sanarfinermut Avatangiisinullu Ingerlatsivik
Postboks 1005
3900 Nuuk

Pilersaarut sumi atuarneqarsinnaava?

Pilersaarut Nunatta Atuagaateqarfiani imaluunniit kommunip nittartagaani www.sermersooq.gl-imi atuarneqarsinnaavoq, kommunip innuttaasunut sullissivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 31.

IMARISAI


1	NASSUIAAT	4
1.1	PILERSAARUSIORFIK	4
1.2	SIUNERTAA TUNNGAVIILU	5
1.3	PISSUTSIT ATUUTTUT	6
1.4	PILERSAARUMMI PINGAARNERIT	6
1.5	PILERSAARUMMUT TAPILIUSSAP INATSISITIGUT ATUUFFII7	
2	AALAJANGERSAKKAT	8
2.1	PINGAARNERTUT AALAJANGERSAKKAT	8
2.2	AALAJANGERSAKKAT SUKUMIISUT	11
3	AKUERSINERMUT UPPERNARSAAT	19
4	ASSI ILANNGUSSAQ	20

1 NASSUIAAT

Una tapiliusaaq immini kommunimut pilersaarummut tapiliussat 37-saat uunga "Nuummur pingaarnertut aqqiussuusaq nutaaq"-mut pilersaarummut ilanngunneqarpoq. Kommunip pilersaarutaanut tapiliussani 37-ni nunaminertat tamarmik pilersaarummut Nuuk City Developmentimut (NCD) ilaapput, aamma nunaminertat tunniunneqartut kommunip illoqarfimmik ineriartortitsinermut suliniutaanut toqqaannartumik tunniunneqarlutik. Nunaminertat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannangitsumilluunniit 100 procentimik pigineqartunut ineriartortitsinermut peqatigiiffiusunik atorqeersinnaavoq siunertanut pisortatigoortumik atugassatut siunertanulluunniit namminersortunit atugassatut.

1.1 PILERSAARUSIORFIK

Immikkoortortaq - Arsiffik aamma sionatigut Blok-P inissisimaffia - Nuup qeqqani immikkoortortamiipput, Kongevejip avanna aamma H.J.Rinkip Aqquserngani Blok 1-5-it kujataani. Immikkoortoq Aqquserngani Blok 1-5-it kujataani. Immikkoortoq Aqquserngani Blok 1-5-it kujataani. Immikkoortoq Aqquserngani Blok 1-5-it kujataani. Immikkoortoq Aqquserngani Blok 1-5-it kujataani. Immikkoortoq Aqquserngani Blok 1-5-it kujataani. Immikkoortoq Aqquserngani Blok 1-5-it kujataani.



Ilisarnaatinut nassuiaatit

- | | | |
|-------------------------------|---------------------|------------------------------------------------------------------------|
| Immikkoortup ilaa pioereersoq | Inissiaqarfik A | Nunaminertaq sanaartorfigeqqusaanngitsooq D |
| Immikkoortup ilaa nutaaq | Siliffeqarfik B | Teknikkikut atorqissaarutit kiisalu attaveqaatitigut atorqissaarutit E |
| Inissiat/illut pioereersut | Illoqarfiup qeqqa C | |

Pioereersunut killigitat immikkoortullu ilaa nutaaq titamernik aappaluttunik ilisarnaateqarput.

Immikkoortoq illoqarfiup qeqqata atuuffiunut ilassutitut isigineqassaaq - ilaatigut illoqarfimmi pisiniarfinnilu uummaarissumik inoqarfiuneranut tapertaassaaq -

taamaattorli ataatsimut sammisaqarnissamut periarfissagissaarlunilu ulluinnarni qasuersaarnissamut periarfissaqarluassaaq.

Kommunimut pilersaarummut tapiliussaq, Kommuneqarfik Sermersuumut Kommunimut pilersaarummut 2028-mut ilaavoq taanna pingaarnertut inuusutissarsionermut siunertaqartunut atugassatut naatsorsuunneqarpoq, qulaani assi takuuk.

Kommunimut pilersaarummut tapiliussaq atorlugu immikkoortup ilaanik nutaamik inissiisoqassaaq, immikkoortullu atuuffia qitiusunngortinneqassalluni tamanut atuuffiusussaq.

1.2 SIUNERTAA TUNNGAVILU

Kommunimut pilersaarummut tapiliussaq suliarineqarpoq Ukaliusap Atuarfianik (USK) isaterinissaq periarfissaqartinniarlugu aamma atuarfimmik nutaamik angisuumik sanaartorsinnaajumalluni, kiisalu taassuma ilaatut AKO-mik (Atuareernerup Kingorna Ornittakkat) nutaamik taamatullu immikkoortup kangiani ukioqatigiinngitsunik ulluunerani paaqqinniffimmik sanaartorsinnaajumalluni (immikkuualuttoq 1).

Kommuneqarfik Sermersuumi nalinginnaasumik kissaataavoq ukioqatigiinngitsunik ulluunerani paaqqinniffinnik sanaartortoqartarnissaa, meeqqat paaqqinniffinnik nikittaqattaarnissaat killilersimaarniarlugu aamma init atuuffiillu eqaatsumik atorneqarsinnaanerannut periarfissat pitsaasut atorluarsinnaajumallugit.

Immikkoortortap kitaatungaani (immikkuualuttoq 2) inissiaqarfiunerusunik sanaartortoqarsinnaaneranut periarfissiisoqassaaq, taamaattoq aamma niuertarfeqarfinnik, allaffeqarfinnik, kiffartuussiveqarfinnik allanillu qitiusoqarfinni atuuttunik sanaartortoqarsinnaaneranut periarfissiisoqarluni.

Kommunimut pilersaarummut tapiliussami tunngaviit tassaapput:

- Immikkoortup ilaata qitiusutut atorneqarnissaa aalajangiunniarlugu
- USK-ip isaterneqarsinnaaneranut periarfissiineq aamma atuarfimmik nutaamik angisuumik sanaartortoqarsinnaaneranut, tassungalu atasumik AKO-mik pilersitsisinnaaneq kiisalu ukioqatigiinngitsunik ulluuneranut paaqqinniffimmik.
- Atuarfimmut, AKO-mut aamma paaqqinnittarfinnut aneerfissanik pilersitsisinnaanermut periarfissat.
- Immikkoortoq, pioreersut avatangiisillu eqqarsaatigalugit aalajangiiffiqineqassasoq
- Meeqqat atuarfimiittut aamma paaqqinnittarfiimiittut tamarmik pitsaasunik atorluarsinnaasunillu aneerfissaqarnissaat qularnaarneqassasoq
- Aqqusinersuarmit, Kongevejimit aammalu Quassunnguamit immikkoortumut aqquteqarnissaanik qulakkeerinissaq, ilanngussaq 1

takuuk.

1.3 PISSUTSIT ATUUTTUT

Immikkoortup ilaa katilluni 4,3 ha. missaanik annertussuseqartoq, annermik kote 27-mik manissukujuinnaavoq. Immikkoortup annerpaartaa - Ukaliusaq aamma Kongevejip eqqaani illut minillugit - Blok P-mik isaterinerup kingorna sanaartorfiunngilaq, maannamuugallartoq assigiinngitsunik sammisaqartitsivittut eqqissisimaartarfittullu atuulluni - soorlu arsaattarfik aamma dirt jumpertarfik.

Arsiffik – aamma "Playground"-imik taaneqartartoq – Nuummi kulturimut tunngasortanut ilaavoq kommuneqarfiullu allaffiata atuarfiullu akornanni nunaminertami ammaannartumiilluni. Arsiffimmi ilaatigut ukiumut uteqqiattumik kulturikkut aaqqissuussisoqartarpoq silamilu timersornermi aaqqissuussisoqartarluni.

Sanaartugaareersoq tassaavoq Ukaliusap Atuarfia (USK), immikkoortup ilaani avannamut kangiata tungaaniittoq. Kujammut saakkaani – Prinsessevejip/Kongevejip eqqaani - meeqqeriveqarpoq, fritidshjemmeqarpoq timigissartarfeqarlunilu. Sanaartugaq qisunnik qallersugaavoq assigiinngitsunik qalipaateqarluni, atuarfiullu illutaasa qaavi manissuinnaapput silataalu assigiinngitsunik qallersugaallutik. Sanaartukkat tamarmik ataatsimik quleriunngikkunik marlunnik quleriupput.

1.4 PILERSAARUMMI PINGAARNERIT

Immikkoortup ilaata qeqqani siunertanut siammasissumik illoqarfiup qeqqanik ikorfartuisumik atorneqarnissaa kommunimut pilersaarummut tapiliussamit aalajangersarneqassaaq – najugaqarfittut katersuuffittullu kiisalu pisortat namminersortullu kiffartuussinerannut pingaaruteqarluinnartut inissisimassalluni.

Immikkoortumi illut piusut isaterneqarsinnaanerannut periarfissiisoqassaaq aamma inissianik nutaanik sanaartortoqarsinnaaneranut, illoqarfiup qeqqanik ikorfartuisunik aamma pisortat ingerlataannut. Immikkoortorta immikkuualuttunut marlunnut aggorneqassaaq, immikkoortoq killeq pisortat ingerlataannut Ukaliusap Atuarfiata (USK) allineqarsinnaaneranut nutaamilluunniit sananeqarsinnaaneranut periarfissalik, taamatullu AKO (Atuareernerup Kingorna Ornittakkat) aamma paaqqinniffiit inissaqartillugit kiisalu taakkua silami ataatsimoorfigisinnaasaat allanullu atorneqarsinnaasut.

Immikkuualuttoq 1-imi nutaanik sanaartortoqarnissaanut periarfissiisoqarpoq atuarfimmik nutaamik paaqqinniffinnillu imaqarsinnaasunik. Tassunga atatillugu silamiiffissanik sanaartortoqassaaq soorlu pinnguarterfiit aamma arsaattarfik,

nunaminertap annertussusaanit 60 % atuarfinnut, nunaminertap annertussusaanit 40 % AKO-mut aamma nunaminertap annertussusaanit 100 %-imik paaqqinniffinnut.

Meeqquerivimmik nutaamik sanatitsisoqassaaq meeqqerivinnut Atuuffissatut pilersaarut sukkulluunniit atuuttussatut Kommuneqarfik Sermersuumit suliarineqartoq naapertorlugu.

Immikkoortortap kippasissuani inissianik quleriaaani aamma qeqqani atuuffeqartunik soorlu pisiniarfinnik, inuussutissarsionermik kiffartuussinermillu ingerlatsivinnik sanaartortoqarsinnaavoq. Sanaartorneq Aqqusinersuup Kongevejillu uiaqquffissaasa tungaaniunerusoq pissaaq, tassaniami arfinilinnik quleriillit sanaartorneqarsinnaapput, immikkoortumilu nalinginnaasumik quleriit pingasuusinnaallutilluunniit sisamaasinnaapput. Immikkoortup Nuummi qeqqani inissisimanagera aamma illoqarfimmiinnermut ersarissaaneq pillugu Aqqusinersuaq sinerlugu illut saqqaat aqquserngup sinaata tungaanut samminissaat piumasarineqassaaq.

1.5 PILERSAARUMMUT TAPILIUSSAP INATSISITIGUT ATUUFFII

Inaarutaasumik inatsisitigut sunniutit

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerni.
(*Pilersaarnermut inatsimmi § 29*)

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. (*Pilersaarusiornermut inatsimmi § 30*)

Pisulli ilaanni aalajangersakkanit sukumiisunit nikingasoornerit annikinnerusunut immikkut ittumik akuersissuteqartoqarsinnaasarpoq. Nikingasoornerit pingaarnerit aamma aalajangersakkanit pingaarnernit nikingasoornerit pissutigalugit nutaamik kommunimut pilersaarummut tapiliussaliortoqassaaq. (*Pilersaarusiornermut inatsimmi § 50*)

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allanngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillu pilersaarummi ilaatinneqartut, pilersinneqassasut.



2 AALAJANGERSAKKAT

Matumuuna "Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersaarusiortarneq pillugu inatsit) kingusinnerusukkut allannguutitalik naapertorlugu aalajangersakkat tullinguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnertit pilersaarummi tunngaviummik tunngaviupput taamaattumillu aalajangersakkanit taakkunanga immikkut ittumik akuersissuteqartoqarsinnaanngilaq.

2.1 PINGAARNERTUT AALAJANGERSAKKAT

MAANNA PINGAARNERTUT AALAJANGERSAKKAT	PINGAARNERTUT AALAJANGERSAKKAT NUTAAT
Immikkoortup ilaata killeqarfilersorneqarnera	
	
1. Siunertaq	
Qeqqani siunertat - Immikkoortut ataatsimoorluni atugassatut siunertallit	Nalinginnaasumik atuineq: C – Qeqqani siunertanut Aalajangersimasumik atuineq: C1 - Qeqqani siunertat

2. Atorneqarnera	
<p>Immikkoortup atorneqarnissaa ataatsimoorussassatut siunertanut atorneqassasoq aalajangersarneqarpoq, soorlu atuarfinnut, meeqqerivinnut, kulturikkut timersornikkullu atortorissaarutinut aamma pisortat siunertaannut tamakkununnga assingusunut.</p>	<p>Immikkoortup atorneqarnissaa ataatsimoorussassatut siunertanut atorneqassasoq aalajangersarneqarpoq, soorlu atuarfinnut, meeqqerivinnut, kulturikkut timersornikkullu atortorissaarutinut aamma pisortat siunertaannut tamakkununnga assingusunut, taamatullu pisiniarfinnut, inuussutissarsiortunut namminersortunut, kiffartuussinermik ingerlatsisunut aamma inissianut.</p> <p>Immikkoortoq immikkoortup ilaanut marlunnut avinneqassaaq:</p> <p>Immikkoortup ilaa 1: Immikkoortortap atorneqarnissaa siunertanut ataatsimoorussanut aalajangerneqassaaq, atuarfimmu, ukioqatigiiaangitsunik paaqqinniffittut meeraaqqerivik meeqqerivillu, AKO (Atuareernerup Kingorna Ornittakkat), kulturikkut timersornikkullu atortorissaarutinut aamma pisortat siunertaannut taakkunungalugu assingusunut.</p> <p>Immikkoortortap ilaa 2: Qeqqani siunertanut aalajangersakkanut illoqarfimmi atuuffilinnut soorlu: Pisiniarfiit, namminersortut inuussutissarsiortut, (ussassaarinermik ingerlatsisut, suliffeqarfiit IT-mik ingerlatsisut, eqqartuussissuserisut, titartaasartut, ingeniørut, illunik tuniniaasartut, kukkunersuisut assigisaallu), katsorsaaviit (kigutilerisut, isigalerisut, psykologit assigisaallu), kiffartuussineq, pisortat allaffeqarfii, inissiat, unnuisarfik, neriniartarfik, biilit uninngavii aamma teknikkikkut atortut pisariaqartut il.il.</p>
3. Sanaartukkat	
<p>Nutaamik sanaartorneq pisinnaaqqullugu immikkoortoq tamakkerlugu ataatsimoortumik pilersaarusionerqassaaq sunik sanaartortoqarnissaanik, qanoq annertutigisumik inissisimaffissaallu kiisalu immikkoortup allanngoriartorneranut sukumiisumik aalajangersakkat aalajangersarneqaaqqaassapput. Nutaanik sanaartornermi, immikkoortup nunataata inissisimaneranik eqqarsaatiginnilluni ilusilersuisoqassaaq.</p>	<p>Inissiat quleriit ataatsiniit sisamat tikillugit sanaartorneqarsinnaapput.</p> <p>Immikkuualuttoq 2-mi sanaartorfissaq D-mi inissiat arfinillit tikillugit quleriillit sanaartorneqarsinnaapput, tassa Aqqusinersuup Kongevejillu tungaanut sammisumi.</p>

4. Inissaqassuseq	
Immikkoortoq inissianut 55.000 m ² -mut inissaqarpoq, illuliat inaarutaasumik ilusilersorneqarnerat apeqqutaatillugu. Matuma qulaani sanaartorfissat atorneqareerpata, immikkoortoq tamakkerluni sanaartorfineqareersutut sinneruttunillu inissaqartitsiffiunngitsutut isigineqalissaaq.	Immikkoortup ilaa taanna 4,3 ha-it missaannik annertussuseqarpoq. Immikkoortup ilaa qeqqani siunertanut aamma inissianut 200-inut 20.000 m ² -isut annertutigisumik sinneruttumik inissaqarpoq, illut inaarutaasumik ilusilersorneqarnerat apeqqutaalluni. Illut piusut isaterneqarnerisigut illunik nutaanik sanaartortoqarsinnaavoq. Sanaartukkat pioreersut isaterneqarnerisigut immikkoortortami sinneruttumik inissaq katilluni 40.000 m ² -iussaaq aamma 200-nik inissiartaqassaaq, illut inaarutaasumik ilusilersorneqarnerat apeqqutaalluni. Matuma qulaani sanaartorfissat atorneqareerpata, immikkoortoq tamakkerluni sanaartorfineqareersutut sinneruttunillu inissaqartitsiffiunngitsutut isigineqalissaaq.
5. Eriagisariaqartut	
Sumiiffimmi illoqarfimmi nutarsaasoqarsinnaavoq, ilaatigut illuliat pioreersut isaternerisigut. Illoqarfimmik nutarsaaneq ataatsimut pilersaarusiornikkut pissaaq.	<i>Immikkut ittunik aalajangersagaqanngilaq</i>
6. Nunaminertat piunasaqaatitaqarfiusut	
Narlorissumik aammalu suluunnartut ilusilimmik mittarfiup tallilerneqarnerani mikkiartornermi qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmut aporfeqanngitsup ataaniippoq narlorissullu inissisimanerata ilaanut ilaalluni, tassanilu illut nunamiit illuliat nuuisa tungaanut 127,5 qaangerlugu sanaartoqqusaanatik aqquserngillu sanaartorneqarnerini 121,5 qaangeqqusaanagu.	Narlorissumik aammalu suluunnartut ilusilimmik mittarfiup tallilerneqarnerani mikkiartornermi qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmut aporfeqanngitsup ataaniippoq narlorissullu inissisimanerata ilaanut ilaalluni, tassanilu illut nunamiit illuliat nuuisa tungaanut 127,5 qaangerlugu sanaartoqqusaanatik aqquserngillu sanaartorneqarnerini 121,5 qaangeqqusaanagu.
7. Aqqusinertigut angallanneq teknikkikkullu pilersuinerit	
Immikkoortoq Aqqusinersuarmit aamma Quassunnguamit aqqusineqassaaq.	Immikkoortoq Aqqusinersuamit aamma Kongevejimit Prinsessevejimillu aqqusineqassaaq.

8. Illoqarfimmik nutarterineq	
<i>Immikkut ittunik aalajangersagaqanngilaq</i>	Sumiiffimmi illoqarfimmi nutarsaasoqarsinnaavoq, ilaatigut illuliat pioreersut isaternerisigut.
9. Immikkoortukkuutaat	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>

2.2 AALAJANGERSAKKAT SUKUMIISUT

Immikkoortoq immikkuualuttunut marlunnut agguarneqassaaq, assitut ilanngussami takutinneqartut. Immikkuualuttunut marlunnut nutaanut aalajangersakkanik sukumiisunik aalajangersaasoqassaaq.

Aalajangersakkat sukumiisut assigiinngiiaartunut tunngapput, ilaatigut sanaartornermut nunaminertanullu sanaartorfiunngitsunut tunngassuteqarlutik. Immikkut pisoqartillugu, aalajangersakkanit sukumiisunit immikkut akuersissuteqartoqarsinnaavoq.

Immikkuualuttoq 1
1. Inissialiat inissinneqarnerat
<p>Imm. 1: Sanaartukkat inissialiallu nutaat assimi ilanngussami 1C32-mi sanaartorfittut takutinneqartut inissinneqassapput. Tamanna aamma illunut mikinerusunut soorlu sikkiliisivinnut, sakkuusivinnut, teknikkimut atortuusivinnut/atortulersuutinut assigisaannullu atuuppoq.</p> <p>Imm. 2: Sanaartukkat nutaat 1-4-nik qulereeqarsinnaapput, portunerpaamik 16 meterit angullugit. Teknikkikkut atortulersuutit soorlu silaannarissarfii, elevatorit assigisaallu portussutsinik killilersuinernut ilaatinneqanngillat.</p> <p>Imm 3: Immikkoortumi illut pioreersut (B-1281, B-1396, B-1518 aamma B-1519) isaterneqarsinnaapput.</p>
2. Inissialiat isikkui
<p>Imm. 1: Illut nutaat titartarneqarnermikkut kulturimut tunngatillugu titarnerup illoqarfiullu qeqqata eqqaaniinnerat takutippaat tamannalu ilutigalugu inissiat pitsaasut pillugit tunngavissiisoqarsinnaalluni.</p> <p>Imm. 2: Sanaartorfissani ataasiakkaani illuliat illulioriaaseq, atortussat qalipaatiillu eqqarsaatigalugit ataatsimoortutut isikkoqartinneqassapput.</p> <p>Imm. 3: Illuliat – tassunga ilanngullugit quit assigisaallu – atortussat soorlu qisuit, igalaamerngit, eternit, savimerngit, ujaqqat, zink, aluminium, sisak betoniluunniit atorlugit sanaajussapput. Eqqaamiut saneqquasullu eqqarsaatigalugit illut silataasa iigai qinngorneqarlutik inngianartuussanngillat.</p> <p>Imm. 4: Qaliat qaavi minnerpaamik gradinik sisamanik uingatilugit aamma qalissiamik taartumik, zinkimik, kangussamik, qisunilluunniit qalluserlugit qaliat qaavisut qorsuusutut ilusilersorneqassapput (issuatsiaanik ivikkanilluunniit) inngiasutsissanngillalli. Tamakkunannga ilanngutinngitsuukkat tassaasinnaapput aneerasaartarfii assigisaallu atortussiat allat atorlugit uinganeqanngitsunillu sananeqarsinnaasut.</p> <p>Aniingaanerusinnaasut, qaliat igalaarisinnaasaat assigisaallu qaliat qaavini naleqquttumik inissinneqassapput.</p>

Imm. 5: seqerngup qinggornerinik katersuissutit, seqinisaatit assigisaallu illup qaliata iigaataluunniit ilaatut ilanngunneqarsinnaapput aamma eqqaamiunut saneqquasunullu inngiasutsitsissanngillat, imm. 2.3 takuuk.

Imm. 6: Tummeqqat qalialiartarfiit illup timitaanut ilaatinneqassapput.

Imm. 7: Silaannarissarfiit, elevatorit, pujoorfiit assigisaallu illup titartarneqarnerata ilaatut ilanngunneqassapput. Taamaattumik silaannarissarfiit motorii illumi illulluunniit silataanni takussaasumut inissinneqassanngillat.

Imm. 8: Allagartarsuit illup ilusaa titartarneqarneralu naapertorlugit ilusilersorneqassapput. Allannerisa angissusaasa 2 m²-it sinnissappassuk ikkussinissamut Kommuneqarfik Sermersuumut qinnuteqaateqartoqassaaq.

Imm. 9: Illut silataat ullup unnuallu ingerlanerani matoqqasunik assiaquteqartinneqartassanngillat. Igalaaat ungataat akimut ersittumik ungalulerneqassappata akuerineqarsinnaapput.

3. Aqquserngit aqqusineeqqallu

Imm. 1: Aqqusernit Innartalimmit aamma Norsamit aqquteqassapput, assi ilanngussaq 4C6 tunngaviusoq takuuk.

Imm. 2: Aqqusernit aalajangersimasunik titarnilersugaapput (immikkut ittumik killeqarfiliussat), inissialiorfiusut sanaartorfiillu aqquserngup qeqqaniit 20,0 meterinik qaninnerusumik Kongevejmut atalersumut aamma Prinsessevejip qeqqaniit 7,5 meterinik qaninnerusumut taakkua akornannut aqqusiniulersussat inissinneqassanngillat.

Imm. 3: Kulturikkut titarneq sinerlugu aqqusineeraq pingaarneq qulakkeerneqassaaq kiisalu immikkoortup avannarpasissortaani killiliusaaq, soorlu periusissiatut nunap assinganik ilanngussami takutinneqartut. Aqqusineeqqat pingaarnerit qullit sukartaat/qullit napasuliartaat atorlugit qaammaqqusersugaassapput. Aqqusineeqqat pingaarnerit aqqusineeqqanik allanik ilaatigut illuniit uninngaartarfimmut aqqusinernullu avatangiiserisanut attaviliisunik ilaneqarsinnaapput.

Aqqusineeqqat sapinngisaq tamaat nunaareersumut naleqqussarneqassapput, taamaattorli tikikkuminarnissaat eqqarsaatigineqassaaq.

Imm. 4: Immikkoortumi kommunimut pilersaarummi aalajangersakkat nalinginnaasut naapertorlugit biilnut inissiisarfiliortoqassaaq. Taamatuttaaq naqqup iluani biilnut inissiisarfimmik ilaneqarsinnaavoq. Ataatsimut biilnut unittarfiliornermut tunngatillugu elbiilnut immiisarfissanik nappaasoqarnissaa periarfissaqassaaq.

Taamatuttaaq sikkilnut inissiivimmik qulisamik naammaginatsumik angissusilimmik pilersitsisoqassaaq.

4. Nunaminertat sanaartorfigineqanngitsut sunngiffimmilu atortulersuutit

Imm. 1: Nunaminertat sanaartorfiunngitsut kulturikkut titarneq taamatullu arsaattarfik/timersortarfik sinerlugu sammisaqartitsivittut uninngaarfissatullu ilusilersorneqassapput taassuma iluani aqqusineeqqat imminnut atasut atorlugit.

Uninngaartarfik sanaartorfigineqassanngilaq, atortulersuutit ingerlatsinernut pisariaqartinneqartut eqqarsaatigissanngikkaanni, soorlu arsaattarfioreersumut atasut isiginnaartut inissaat, napparussuit, il.il. Kisiannili utaqqiisaasunik atortorissaarusersorlugu sumiiffimmilu piffissami killilimmi assigiinngitsunik illunik mikinerusunik pilerlugu aqqissuunneqarsinnaavoq.

Imm. 2: Immikkoortumut atuuttumut tunngassutilimmik aneerfissamik kisitsiliussat tunngavigalugit pilersitsisoqarsinnaavoq:

- Ukioqatigiiaanngitsunut paaqqinniffik: Annertussutsimit tamakkiissumit 100 %.
- AKO: annertussutsip tamakkiisup 40 %-ia
- Atuarfik: annertussutsimit tamakkiisup 60 %-ia

Tamakku seqerngup sammivia uningaartarfiillu pitsaassusii eqqarsaatigalugit inissinneqassapput.

Imm. 3: Kulturikkut titarneq illoqannginnersarlu illoqarfinngorsakkatut isikkoqassapput, issiaartarfilerlugit, uninngaartarfilerlugit aamma sammisassaqaqarnermut atortulersorlugit. Nunaminertat "allanngutsaaliukkat" iganermi akuutissanut naatsiivinnut, uninngaartarfinnut assigisaannullu tunngatinneqarnerupput Naatsiiviliornerne atortussat qajannaatsut soorlu qisuit, beton, ujaqqat saviminerlu atorneqassapput.

Imm. 4: Nunaminertat sanaartugassanut, aqqusinernut, aqqusineeqqanut, biilit uninngaartarfiisut aamma ataatsimoorfissatut atorneqanngitsut uninngaarfissatut piussapput.

5. Teknikkimut atortulersuutit

Imm. 1: Inissialiat nutaat pisortat innaallagissamut imermullu aqquataaannut aamma kuuffissuaataannut attavilerneqassapput.

Imm. 2: Imikoq qasertoq imikorlu tamarmik kuuffissuakkut kuutsinneqassapput. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusinernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput.

Imm. 3: Pilersuinerneq aqquutit tamarmik nunap iluatigoortinneqassapput. Ledninginik inuup allap allangortiterisinnaanera ledninginik piginnittumut aningaasartuutaassanngilaq aamma tamanna ledninginik piginnittoq aatsaat isumasioqqaarlugu taassumalu innersuussutai malillugit pissaaq.

Imm. 4: Immikkoortup ilaani teknikkikkut atortulersuutit immikkoortup ilaanik pilersuinerneq atortut soorlu sakkortusaaviit, biilinu innaallagissamik ingerlatilinnut immiissutit assigisaallu inissinneqarsinnaapput. Teknikkimut atortulersuutit Nukissiorfiit aamma Kommuneqarfik Sermersooq siunersiorlugu aamma atortut takussunarsaataanngitsumik inissinneqassapput.

6. Nunaminertat sanaartorfigineqanngitsut

Imm. 1: Illuliat nutaat sapinngisamik nunaareersumut naleqqussarneqassapput. Teknikkikkut imminut illersorsinnaasumik illuliornissaq eqqarsaatigalugu pisariaqartitsineq taamaallaat naapertorlugu nunamik allannguisoqassaaq.

Imm. 2: Assimi ilanngussami 1C32-mi takutinneqartutut sanaartorfinni nunaminertanilu aqqusinernut, biilinu inissiisarfinnut assigisaannullu atorneqartuni pisariaqartinneqartumik nunagissaasoqarsinnaavoq.

Imm. 3: Immikkoortup ilaani naasooreersut sapinngisamik paariinnarneqassapput aammalu ajornanngippat inaalinneqassallutik, taamaalillutik sanaartortoqareerpat ilusaattut ilerseqqinneqarsinnaaniassammata.

Imm. 4: Immikkoortup ilaa qaartiternerlukunik qaartiterinermi assartuinermiluunniit siammarsimasinnaasunik salinneqassaaq.

Imm. 5: Nunaminertat sanaartorfigineqanngitsut saligaatsuutinneqassapput eqqiluutsuutinneqarlutillu. Silami inaalitsisoqaaqusaanngilaq.

7. Eriagisassaq
<i>Immikkut ittunik aalajangersagaqanngilaq</i>
8. Pinngortitap illersorneqarnissaanik soqutiginninnerit
<i>Immikkut ittunik aalajangersagaqanngilaq</i>
9. Nunaleraluni nunamik atuinissamik soqutiginninnerit
<i>Immikkut ittunik aalajangersagaqanngilaq</i>
10. Ataatsimut atortulersuutit
Imm. 1: Immikkoortumi 3.4-mi biilnut inissiisarfiliornissat pillugit aalajangersakkat takukkit. Imm. 2: Immikkoortut 4.1 aamma 4.3. silami uninngaarfii pillugit aalajangersakkat takukkit.
11. Piginnittut peqatigiiffii
<i>Immikkut ittunik aalajangersagaqanngilaq</i>
12. Avatangiisinik mingutsitsinermi killissarititaasut
Imm. 1: Immikkoortup ilaani eqqaavinnut eqqakkanut atugassanik inissiiffissanik nunaminertanik inniminniisoqassaaq. Imm. 2: Immikkoortup ilaani illut sukisaarsarfiillu nalinginnaasumik atornerqarnerannut ataatsimoortinneqarsinnaasunik namminersorluni inuussutissarsiutit atuuffiillu assigisaat taamaallaat naleqqussarneqarsinnaapput.
13. Illut nukissiuutinik atuinikitsut
<i>Immikkut ittunik aalajangersagaqanngilaq</i>
14. Atuinissamut piumasaaqatit
Imm. 1: Ima pisoqaaqaartinnagu illuliat nutaat iserterfigineqassanngillat: <ul style="list-style-type: none"> • immikkoortoq 3 naapertorlugu biilnut inissiisarfiliorneq. • immikkoortoq 4 naapertorlugu nunaminertanik ataatsimoorussassanik pilersitsineq. • pisortat pilersuutaannut attavilernerit. • inaarutaasumik nunagissaanerit naammassineqarnerat. Piffissap sanaartorfiusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpat piaarnerpaamik suliarineqassapput.

Immikkuualuttoq 2
1. Inissialiat inissineqarnerat
Imm. 1: Sanaartukkat inissialiallu nutaat assimi ilanngussami 1C32-mi sanaartorfittut takutinneqartut inissineqassapput. Tamanna aamma illunut mikinerusunut soorlu sikkiliisivinnut, sakkuusivinnut, teknikkimut atortuusivinnut/atortulersuutinut assigisaannullu atuuppoq. Imm. 2: Sanaartukkat nutaat 3-4-nik qulereeqarsinnaapput, portunerpaamik 16 meterit angullugit. Sanaartorfik D-mi inissiat 3-6-inik quleriillit nunamiillu uuttorlugu 46,5-imik portunerpaaffilinnik

<p>sanaartortoqarsinnaavoq.</p> <p>Imm. 3: Illuliani nutaani minnerpaamik saqqaata 50 %-ia nunap assingatut ilanngussami saqqassat titarnerannut sammisumik inissinneqassapput.</p>
<p>2. Inissialiat isikkui</p>
<p>Imm. 1: Illut nutaat titartarneqarnermikkut kulturimut tunngatillugu titarnerup illoqarfiullu qeqqata eqqaaniinnerat takutippaat tamannalu ilutigalugu inissiat pitsaasut pillugit tunngavissiisoqarsinnaalluni.</p> <p>Imm. 2: Sanaartorfissani ataasiakkaani illuliat illulioriaaseq, atortussat qalipaatiillu eqqarsaatigalugit ataatsimoortutut isikkoqartinneqassapput.</p> <p>Imm. 3: Illuliat takisuukujuujussapput sinaasigut ilassutilittut isikkullit imaluunniit pingasoqjusaallutik qeqqi ammaannarlutik suliarineqassapput. Illut Aqqusinersuup tungaanut inini allerni saqqaat ammasumik assigiissumik isikkoqassapput.</p> <p>Imm. 4: Illut ima ilusilersorneqassapput aamma suliarineqassapput seqerngup sumiiffia, anorip sammivia kiisalu isikkivimmuut tunngasut eqqarsaatigalugit.</p> <p>Imm. 5: Illuliat – tassunga ilanngullugit quit assigisaallu – atortussat soorlu qisuit, igalaamerngit, eternit, ujaqqat, zink, aluminium, sisak betoniluunniit atorlugit saqqaat sanaajussapput. Eqqaamiut saneqqasullu eqqarsaatigalugit illut silataasa iigai qinngorneqarlutik inngianartuussanngillat.</p> <p>Imm. 6: Qaliat qaavi minnerpaamik gradinik sisamanik uingatilugit aamma qalissiamik taartumik, zinkimik, kanngussamik, qisunilluunniit qalliuserlugit qaliat qaavisut qorsuusutut ilusilersorneqassapput (issuatsiaanik ivikkanilluunniit) inngiasutsitsissanngillalli. Tamakkunanga ilanngutinngitsuukkat tassaasinnaapput aneerasaartarfiit assigisaallu atortussiat allat atorlugit uinganeqanngitsunillu sananeqarsinnaasut.</p> <p>Aniingaanagerusinnaasut, qaliat igalaarisinnaasaat assigisaallu qaliat qaavini naleqquttumik inissinneqassapput.</p> <p>Imm. 7: Aneerasaartarfiit qaliallu aneerasaartarfii seqerngup sammivia illullu titartarneqarnera eqqarsaatigalugit inissinneqassapput. Aneerasaartarfiit 1,5 meterinit takinerusumik atitussuseqassanngillat.</p> <p>Imm. 8: Tummeqqat qalialiartarfiit illup timitaanut ilaatinneqassapput.</p> <p>Imm. 9: Silaannarissarfiit, elevatorit, pujoorfiit assigisaallu illup titartarneqarnerata ilaatut ilanngunneqassapput. Taamaattumik silaannarissarfiit motorii illumi illulluunniit silataanni takussaasumut inissinneqassanngillat.</p> <p>Imm. 10: Allagartarsuit illup ilusaa titartarneqarneralu naapertorlugit ilusilersorneqassapput. Allannerisa angissusaasa 2 m²-it sinnissappassuk ikkussinissamut Kommuneqarfik Sermersuumut qinnuteqaateqartoqassaaq.</p> <p>Imm. 11: Illut silataat ullup unnuallu ingerlanerani matoqqasunik assiaquteqartinneqartassanngillat. Igalaat ungataat akimut ersittumik ungalulernerneqassappata akuerineqarsinnaapput.</p>
<p>3. Aqquserngit aqqusineeqqallu</p>
<p>Imm. 1: Aqqusernit Aqqusinersuarmit aamma Kongevejmut aqquteqassapput, assi ilanngussaq 1C32 tunngaviusoq takuuk.</p> <p>Imm. 2: Aqqusernit aalajangersimasunik titarnilersugaapput (immikkut ittumik killeqarfiliussat), inissialiorfiusut sanaartorfiillu aqquserngup qeqqaniit 20,0 meterinik qaninnerusumik Aqqusinersuarmit aamma Kongevejmut inissinneqassanngillat aamma immikkoortup ilaanut aqqusernup qeqqaniit 7,5</p>

meterinit qaninnerusumut aqqusinerineqalersunut inissinneqassanngillat.

Imm. 3: Kulturikkut titarneq sinerlugu aqqusineeqqat pingaernerit qulakkeerneqassapput kiisalu immikkoortumut killiliussap avannarliup nalaani, soorlu ilanngussatut nunap assingani periusissiaq naapertorlugu. Aqqusineeqqat pingaernerit qulliit sukartaat/qulliit napasuliartaat atorlugit qaammaqqusersugaassapput. Aqqusineeqqat pingaernerit aqqusineeqqanik allanik ilaatigut illuniit uninngaartarfimmuut aqqusinernullu avatangiiserisanut attaviliisunik ilaneqarsinnaapput.

Aqqusineeqqat sapinngisaq tamaat nunaareersumut naleqqussarneqassapput, taamaattorli tikikkuminarnissaat eqqarsaatigineqassaaq.

Imm. 4: Immikkoortumi kommunimut pilersaarummi aalajangersakkat nalinginnaasut naapertorlugit biilnut inissiisarfiliortoqassaaq. Taamatuttaaq naqqup iluani biilnut inissiisarfimmik ilaneqarsinnaavoq.

Ataatsimut biilnut unittarfiliornermut tunngatillugu elbiilnut immiisarfissanik nappaasoqarnissaa periarfissaqassaaq.

Taamatuttaaq sikkilnut inissiivimmik qulisamik naammaginantumik angissusilimmik pilersitsisoqassaaq.

Imm. 5: Aqqusinersuup tungaanut bussinut unittarfiliorsinnaaneq periarfissiissutigineqarpoq.

4. Nunaminertat sanaartorfigineqanngitsut sunngiffimmilu atortulersuutit

Imm. 1: Nunaminertat sanaartorfiunngitsut assigiinngitsunik sammisaqarfiusinnaasutut uninngaarfiusinnaasutullu aqqissuunneqassapput - illoqarfimmi initulluunniit - kulturikkut titarneq sinerlugu aamma aqqusineeqqanik ataqatigiiaanik pilersitsilluni.

Nunaminertat sanaartorfigeqqusaanngitsutut uninngatitat sanaartorfigineqarsinnaanngillat, taamaallaalli ingerlatsinermut pisariaqartunik illunut atortuusivinnut tunngasunik sanaartorfiusinnaapput. Kisiannili utaqqiisaasunik atortorissaarusersorlugu sumiiffimmilu piffissami killilimmi assigiinngitsunik illunik mikinerusunik pilerlugu aqqissuunneqarsinnaavoq.

Imm. 2: Immikkoortup atuuffianut atatillugu najugaqartut aamma atuisut pinnguartarfiinik uninngaarfisinnasaannillu pilersitsisoqassaaq. Tamakku seqerngup sammivia uningaartarfiillu pitsaassusii eqqarsaatigalugit inissinneqassapput.

Imm. 3: Kulturikkut titarneq illoqannginnersarlu illoqarfinngorsakkatut isikkoqassapput, issiaartarfilerlugit, uninngaartarfilerlugit aamma sammisassaqarnermut atortulersorlugit. Nunaminertat "allanngutsaaliukkat" iganermi akuutissanut naatsiivinnut, uninngaartarfinnut assigisaannullu tunngatinneqarnerupput Naatsiiviliornerne atortussat qajannaatsut soorlu qisuit, beton, ujaqqat saviminerlu atorneqassapput.

Imm. 4: Nunaminertat illuliornermut, aqqusinernut, aqqusineeqqanut, biilnut inissiisarfinnut aamma ataatsimoorullugit uninngaartarfinnut atugassiissutigineqarsimanngitsut sanaartorfigineqassanngillat aammalu uninngaartarfinnut pinngortitatut isikkoqartutut atugassiissutigineqassallutik.

5. Teknikkimut atortulersuutit

Imm. 1: Inissialiat nutaat pisortat innaallagissamut imermullu aqqutaataannut aamma kuuffissuaataannut attavilerneqassapput.

Imm. 2: Imikoq qasertoq imikorlu tamarmik kuuffissuakkut kuutsinneqassapput. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusinernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput.

Imm. 3: Pilersuinermut aqqutit tamarmik nunap iluatigoortinneqassapput. Ledninginik inuup allap

allanngortiterisinnaanera ledninginik piginnittumut aningaasartuutaassanngilaq aamma tamanna ledninginik piginnittoq aatsaat isumasioqqaarlugu taassumalu innersuussutai malillugit pissaaq.

Imm. 4: Immikkoortup ilaani teknikkikkut atortulersuutit immikkoortup ilaanik pilersuinernut atortut soorlu sakkortusaaviit, biilnut innaallagissamik ingerlatilinnut immiissutit assigisaallu inissinneqarsinnaapput. Teknikkimut atortulersuutit Nukissiorfiit aamma Kommuneqarfik Sermersooq siunersiorlugu aamma atortut takussunarsaataannngitsumik inissinneqassapput.

6. Nunaminertat sanaartorfigineqanngitsut

Imm. 1: Illuliat nutaat sapinngisamik nunaareersumut naleqqussarneqassapput. Teknikkikkut imminut illersorsinnaasumik illuliornissaq eqqarsaatigalugu pisariaqartitsineq taamaallaat naapertorlugu nunamik allannguisoqassaaq.

Imm. 2: Assimi ilanngussami takutinneqartut sanaartorfinni nunaminertanilu aqqusinernut, biilnut inissiisarfinnut assigisaannullu atorineqartuni pisariaqartinneqartumik nunagissaasoqarsinnaavoq.

Imm. 3: Immikkoortup ilaani naasooreersut sapinngisamik paariinnarneqassapput aammalu ajornanngippat inaalinneqassallutik, taamaalillutik sanaartortoqareerpat ilusaattut ilerseqqinneqarsinnaaniassammata.

Imm. 4: Immikkoortup ilaa qaartiternerlukunik qaartiterinermi assartuinermiluunniit siammarsimasinnaasunik salinneqassaaq.

Imm. 5: Nunaminertat sanaartorfigineqanngitsut saligaatsuutinneqassapput eqqiluitsuutinneqarlutillu. Silami inaalitsisoqaaqusaanngilaq.

7. Eriagisassaq

Immikkut ittunik aalajangersagaqanngilaq

8. Pinngortitap illersorneqarnissaanik soqutiginninnerit

Immikkut ittunik aalajangersagaqanngilaq

9. Nunaleraluni nunamik atuinissamik soqutiginninnerit

Immikkut ittunik aalajangersagaqanngilaq

10. Ataatsimut atortulersuutit

Imm. 1: Immikkoortut 3.4 aamma 3.5. biilit uninngasarfii pillugit aalajangersakkat takukkit.

Imm. 2: Immikkoortuni 4.1, 4.3 aamma 11.5-imi kulturikkut titarneq sinerlugu uninngaartarfiit pillugit aalajangersakkat takukkit.

11. Piginnittut peqatigiiffii

Imm. 1: Immikkoortup ilaani illut pillugit ataatsimut soqutigisanik isumaginittussamik piginnittut peqatigiiffiannik pilersitsisoqassaaq. Illuutillit, namminersorlutik inuussutissarsiutillit illuutaat immikkoortullu ilaani atuuffiit allat ilaasortaasussaataapput (aamma piginneqatigiilluni inissiaatileqatigiit).

Imm. 2: Aqquserngit, aqqusineeqqat nunaminertallu sanaartorfigineqanngitsut – aamma ukiuunerani – illulianut attuumassuteqartut peqatigiiffimmit isumagineqassapput.

Imm. 3: Peqatigiiffik kingusinnerpaamik pilersinneqassaaq sanaartorfinni siulliulluni naammassineqartumi illulianik nutaanik naammassinninnerni atuilernernilu

<p>Imm. 4: Peqatigiiffimmit sumi najugaqarneq ataavartumik Kommuneqarfik Sermersuumut nalunaarutigineqartassaaq.</p> <p>Imm. 5: Immikkoortup ilaani atortulersuutitut ataatsimullu soqutigisanut sanaartorfigissaanernut aningaasartuutit – tassunga ilanngullugit kulturikkut titarneq sinerlugu sukisaarsartarfiliornernut aningaasartuutit – peqataasut akornanni agguarneqassapput aammalu akiliutigisat pillugit immikkut ittumik ileqqoreqqusani allassimassallutik.</p>
<p>12. Avatangiisinik mingutsitsinermi killissarititaasut</p>
<p>Imm. 1: Immikkoortup ilaani eqqaavinnut eqqakkanut atugassanik inissiiffissanik nunaminertanik inniminniisoqassaaq.</p> <p>Imm. 2: Immikkoortup ilaani illut sukisaarsarfiillu nalinginnaasumik atornerqarnerannut ataatsimoortinneqarsinnaasunik namminersorluni inuussutissarsiutit atuuffiillu assigisaat taamaallaat naleqqussarneqarsinnaapput.</p>
<p>13. Illut nukissiuutinik atuinikitsut</p>
<p><i>Immikkut ittunik aalajangersagaqanngilaq</i></p>
<p>14. Atuinissamut piunasaqaatit</p>
<p>Imm. 1: Ima pisoqaaqaartinnagu illuliat nutaat iserterfigineqassanngillat:</p> <ul style="list-style-type: none"> • immikkoortoq 3 naapertorlugu biilnut inissiisarfiilorneq. • immikkoortoq 4 naapertorlugu nunaminertanik ataatsimoorussassanik pilersitsisoqarpat. • pisortat pilersuutaannut attavilernerit. • inaarutaasumik nunagissaanerit naammassineqarnerat. <p>Piffissap sanaartorfiusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpat piaarnerpaamik suliarineqassapput.</p>

3 AKUERSINERMUT UPPERNARSAAT

Kommunit pilersaarummut tapiliusseq una 1C32-1 Arsiffik - Ukaliusaq (USK), Nuuk, matumuuna Kommuneqarfik Sermersuup Kommunalbestyrelsianit akuersissutigineqarpoq ulloq 20.02.2018

Kommuneqarfik Sermersooq ulloq 13-2018




Asii Chemnitz Narup
Borgmesteri



Lars Møller Sørensen
Kommunaldirektøri

Ulloq 14.03.2018 inaarutaasumik atuutilersutut tamanut nalunaarutigineqarpoq.



KOMMUNEQARFIK SERMERSSOOQ
Sanarfinermut Avatangiiisunullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq IC32-I
Kommuneplantillæg IC32-I

Ilangussaq I, Immikkoortoq IC32
Bilag I, Delområde IC32
Aggusti 2017 / August 2017
Utuut I: 2000 / Mål I: 2000
A4